

蘇氏
墨

PDF

廣西通志卷一百八十六

前事略八

宋四

紹興五年廣西市馬全綱疫死

通考

七年正月癸未詔廣西帥臣訓練土丁保丁

宋史高宗

紀

三月丁亥是春廣西大饑李實變爲桃

同上

七年夏欽廉邕州饑令常平使賑粟

宋史五行志

八年廣西海墻有海獸如馬蹄鼠皆丹夜入民舍

聚衆殺之明日海溢環村百餘家皆溺死近馬禍

也

同上

十二年二月辛卯蠲廣南東西路駱科殘擾州縣

今年租

宋史高宗紀

十六年靜江府城北二十里有奔犢觸人於壁腸

胃流地牛狂走兩日不可執卒以射死牛禍也

宋史

五行志

十七年十二月辛亥靜江府火燔民舍甚衆

同上

二十年二月蠲靜江府昭州上供折布錢三之一

宋史高宗紀

二十二年五月容州野蠶成繭

二十四年七月募公展及宜州界外諸蠻納土內

附俱同上

莫公晟始貢馬率諸蠻歸遂以延沈襲公晟
職廣西經略安撫使呂愿中請降諸蠻三十一
種得州二十七縣一百三十五砦四十峒一百
七十九及一鎮三十二團皆爲羈縻州縣

宋史
南州

州蠻
傳

七月乙亥帝謂大臣曰莫公晟以丹州歸順及
進馬可檢擬取旨施行先是公晟自宣和以來
屢爲邊患歲調官軍防守至是直秘閣知靖江
府兼主管廣西經略司公事呂愿中言公晟獻
馬三十匹且遣其部落七百餘人至靖江府與
經略司屬官歃血而盟諸蠻願以二十七州一

百三十五縣爲本路羈縻實爲熙朝盛事丙子
帝謂大臣曰得丹州非以廣地但徭人不作過
百姓安業可喜乃詔公晟以南丹州防禦使致
仕其子延沈爲銀青光祿大夫檢校太子賓客
使持節南丹州諸軍事南丹州刺史知南丹州
公事武騎尉其餘首領並推恩愿中又畫圖進
呈帝曰且喜一方寧靜秦檜曰陛下兼懷南北
定計休兵小寇豈敢不服帝曰若非休兵安能
致此於是鑄羈縻州縣印一百六十二給之

鑑

續通

二十五年四月減廣西路斤米錢

宋史高宗紀

二十九年二月己亥命廣西教閱峒丁

同上

三十二年莫延沈恣行慘酷爲諸蠻所逐歸死省

地衆推延廩襲職

宋史南丹州蠻傳

十二月廣西賊王宣破藤州守臣廖容棄城遁

宋史

孝宗

紀

紹興閒靈芝產於賀縣甌山下人以爲兆范祖禹

之來也

叢載

孝宗隆興二年正月丙申命虞允文調兵討廣西

諸盜

宋史孝宗紀

二月癸酉復王權武義大夫命權廣西路都鈐轄
專一措置盜賊三月丙午王宣等降壬子以廣西

賊平詔減高藤雷容四州雜犯死罪囚釋杖已下

蠲夏秋稅賦

八月戊午南丹州莫延廩爲諸蠻所逐來歸

俱同上

延廩復爲諸蠻所圖攜家歸朝經略司奏以延

甚襲職

宋史南丹州蠻傳

乾道元年廣東帥臣林安宅言近者湖南凶賊奔衝本路韶連南雄封州德慶肇慶府之西會廣州之懷集清遠皆遭蹂踐或被焚蕩乞依廣西例免今年夏秋二稅並合應副轉運司供贍荆南及本路大兵錢糧詔併英賀郴州桂陽軍未起錢物悉

蠲之

通考

四年二月詔湖南北四川 廣州軍應有溪峒處

務先恩信綏懷毋弛防閑毋襲科擾毋貪功而啓

釁委各路帥臣監司常加覺察

宋史西南溪峒傳

六年詔補蒙澤進武副尉初宜州蠻莫才都爲亂
廣西經略劉焞遣進勇副尉蒙明質賊巢諭降才
都旣而復肆猖獗戕官兵未幾禽才都械送經略
司伏法悉破其黨而明亦遇害備極慘酷邊人憐
之焞乞推恩其子澤以旌死事朝廷從之故有是

命

宋史撫水蠻傳

八年知貴州陳乂上疏言臣前知靖州時居蠻夷
腹心民不服役田不輸賦其地似若可棄然爲重

湖二廣保障實南服之要區也朝廷當重守臣之選崇寧初戍兵三千人建炎以來每於都統司或帥司摘兵三千人以備屯戍其凶悍者以州郡不能制遂慢守臣反通猺蠻以撓編民州郡非自主帥不敢治得報已晚矣故戍兵敢肆其惡一旦有警復安能爲用臣以爲宜聽守臣節制爲便帝嘉其言復問左右曰靖隸湖北今聞仰給廣西何也趙雄對曰靖州本溪峒神宗時剏爲誠州元祐間廢尋復爲軍徽宗時始改靖州與桂府爲隣故令廣西給其金穀之費近歲漕司匱乏乃責辦諸州以故不能如約宜復舊制俾廣西漕臣如期饋運

靖州屯戍官兵聽守臣節制於事爲便帝從之

宋史

西南溪
峒蠻傳

十年四月全州上言本州密邇溪峒邊民本非姦惡其始朝廷禁法非不嚴密監司州郡非不奉行特以平居失於防閑故馴致其亂又兼溪谷山徑非止一途如靜江興安之大通虛武岡軍之新寧益溪及八十里山永州之東安皆可以徑達溪峒其地綿亘郡邑非一州得專約束故遊民惡少之棄本者商旅之避征稅者盜賊之亡命者往往由之以入萃爲淵藪交相鼓扇深爲邊患如武岡楊再興桂陽陳峒相繼爲亂實原於此爲今計者宜

徙閑地巡檢兵及分遣士卒屯諸溪谷山徑閒僻

湖南北廣西帥憲總其役庶幾事權有歸號令可

行也

宋史西
南蠻傳

淳熙元年南丹州爲永樂州所攻使來告急廣西

帥臣遣將領陳泰權天河縣主簿徐彌高諭和之

宋史南丹
州蠻傳

廣西皆饑桂昭賀尤甚令振以常平義廩

宋史五
行志

四年秋昭州螟五年昭州薦有螟螣

同上

六年六月辛亥廣西妖賊李接破鬱林州守臣李

端卿棄城遁遂圍化州命經略司討捕之端卿除

名勒停梅州編管十月廣西妖賊平

宋史孝
宗紀

盜李接起陷容雷高化貴鬱林等州吳獵請賞
勞誅罪劉焯於是錄鬱林功誅南流縣尉鬱林
巡檢人人驚厲爭死鬪不踰時盜悉就擒

宋史
吳獵

淳熙己亥六月李接破鬱林州庚子正月劉焯討

接平之

叢
載

七年潯州旱自七月不雨至九月

宋史五
行志

十年冬安化蠻突入內地焚砦柵殺居民爲亂宜

州駐劄將官田昭明與蠻方戰死之

宋史撫
水蠻傳

淳熙十年罷昭州歲貢金

宋史孝
宗紀

十一年正月辛丑安化蠻蒙光漸等犯宜州思立

岩廣西兵馬鈐轄沙世堅出兵討之獲光漸同上

廣西路鈐轄沙世堅言官軍與獠人兵器利鈍

不同宜勅沿邊軍州多置强弩毒矢以懼獠人

從之是年安化蠻蒙光漸率衆抄掠世堅討平

之宋史獠水蠻傳

初知宜州馬寧祖不支思立訾鹽錢執議以爲

前守所積逋止給錢一月不能遍及蠻部而權

思立若准備將領楊良臣復鎮撫乖方遂致激

變光漸等詔罷良臣貶寧祖秩勅帥漕以時給

溪峒鹽錢同上

謹案沙世堅紹興三年思恩府蠻人請鹽

錢論碑云宜州去天最遠三方被邊谿峒
徭蠻種落不一我國家自祖宗以來深仁
厚澤與天無窮并包夷夏愛均赤子錫汝
錢鹽之券庶幾涵濡聖澤各安巢穴永爲
邊陲藩維歲月浸遠爾蠻子姪陰結寨吏
僞券日增以詐取賞不一如欲執以藉口
寇我疆場深負累聖好生之德歲在壬子
本職准經略提刑都運敷奏被命守邊歷
考爭端果由僞券盡革前弊與之更新刻
之堅珉籍其姓名著具斤數思恩券凡二
十八道錢月計二十貫五十文省鹽月計

二十九貫七百二十四文足重合思立鎮
寧天河帶溪河池安遠德謹懷遠臨衝而
計之券總二千七百五十有七道錢月總
三百四十四貫一百省鹽月總六百一十
三貫四百五文足重各於所隸縣支請尙
慮傳道不能世守要約從爾尊敬忠武侯
嚴其貌像載書歆血無背此盟俾爾蠻長
保鹽券後人無復滅尅因以杜絕釁端明
神所臨洋然在上逆凶順吉爾蠻占之矧
今國家邊備增置強弩毒矢非昔時之比
苟肆其野心干紀犯分聞之於朝有誅無

赦宜致深長之思上體國恩父訓其子兄
誨其弟維繼忠孝以承天休敬之毋忽蓋
有司刻減蠻鹽召釁久矣故世堅與之要
約立石爲禁今馬祖寧亦以不支思立寨
鹽錢致亂邊臣滋事可慨也

四月不雨至八月邕賓象皆旱冬不雨至明年二

月

宋史五行志

是年邕賓象州饑令帥臣振粟貸種

同

昭州旱

李志

十一月助廣西諸州歲計十萬緡

宋史孝宗紀

十二年正月廣西漕臣胡庭直上言邕州之左江

永年太平等砦在祖宗時以其與交趾鄰壤實南
邊藩籬重地故置州縣籍其丁壯以備一旦之用
規模宏遠矣比年邊民率通交趾以其地所產鹽
雜官鹽貨之及減易馬鹽以易銀忽而不防恐生
邊釁所宜禁戢既而諸司上言經略司初準朝旨
置馬鹽倉貯鹽以易馬歲給江上諸軍及御前投
進用銀鹽錦悉與蠻互市其永平砦所易交趾鹽
貨居民食皆舊制也况邊民素與蠻夷私相貿易
官不能制今一切禁絕非惟左江居民乏鹽而蠻
情亦叵測恐乖致異也乃牒邕州禁民毋私販交
趾鹽以妨鈔法

宋史撫
水蠻傳